



№1-25/13

13/07/2021

რეცენზია

0-6 წლის ასაკის ბავშვთა განვითარებაზე მეთვალყურეობა/მონიტორინგისა და

სკრინინგის რეკომენდაციები პირველად ჯანდაცვაში

რეცენზია

საქართველოს საოჯახო მედიცინის ასოციაციას რეცენზირებისთვის წარედგინა ჩეხეთის კარიტასისა და UNICEF-ის პარტნიორული თანამშრომლობის პროექტის ფარგლებში პედიატრიული ჯგუფის მიერ შემუშავებული პროტოკოლი: „0-6 წლის ასაკის ბავშვთა განვითარებაზე მეთვალყურეობა/მონიტორინგისა და სკრინინგის რეკომენდაციები პირველად ჯანდაცვაში“.

ბავშვობის პირველი წლები ადამიანის სასიცოცხლო ციკლის ყველაზე სწრაფი განვითარების პერიოდია, რომელიც, ამავე დროს, უნიკალური შესაძლებლობაა მომავალი წარმატებისათვის. სიცოცხლის პირველ წლებში ბავშვებს უყალიბდებათ ფიზიკური, შემეცნებითი, სოციალური და ემოციური უნარ-ჩვევები, ეყრება საფუძველი მათ კეთილდღეობას. პირველადი ჯანდაცვა მისი ყოვლისმომცველი, უწყვეტი და მაკოორდინირებული ფუნქციებიდან გამომდინარე, სწორედ ის ადგილია, სადაც ოპტიმალურად შეიძლება განხორციელდეს ბავშვის განვითარებაზე მეთვალყურეობა, პრვენციული მედიცინის დამკვიდრება, მშობლებისა და მოსახლეობის ინფორმირებულობის ამაღლება ბავშვის აღზრდის თანამედროვე ასპექტებზე, რაც, ერთის მხრივ, შეამცირებს მწვავე და ქრონიკული დაავადებების სიხშირეს, მეორეს მხრივ კი, ხელს შეუწყობს ბავშვის განვითარებას, მისი სრული პოტენციალის გამოვლენას და მაქსიმალური სოციალური თანასწორობის მიღწევას.

სწორედ აღნიშნული საკითხებია განხილული წამოდგენილ პროტოკოლში, რაც ხელს შეუწყობს პირველადი ჯანმრთელობის დაცვის სერვისების მიმწოდებლებს, მოახდინონ ფოკუსირება არა მხოლოდ ჯანმრთელობის, არამედ განვითარებისა და ქცევის საკითხებზე; გააუმჯობესონ კავშირი ოჯახებსა და პირველადი ჯანდაცვის პროვაიდერებს შორის და უზრუნველყონ ბავშვის განვითარებაზე ხარისხობრივად უკეთესი სერვისების მიწოდება; გააუმჯობესონ განვითარებისა და ქცევის პრობლემების ადრეული გამოვლენა და ადეკვატური რეფერალი შესაბამის სპეციალისტებთან/სერვისში.

პროტოკოლში ნათლად არის ჩამოყალიბებული განვითარების სკრინინგისა და მეთვალყურეობასთან დაკავშირებული რეკომენდაციები, სკრინინგის დადებითი მხარეები

და შესაძლო პრობლემები, სკრინინგის შედეგების ინტერპრეტაცია და შესაბამისი მოქმედება სპეციფიკური პრობლემის გამოვლენის შემთხვევაში.

აღსანიშნავია პროტოკოლში წარმოდგენილი სკრინინგული ინსტრუმენტები, როგორცაა მაგალითად, პრენატალური/პოსტნატალური დეპრესიის შკალა, განვითარების ნიშანსვეტები საშუალო ასაკის მიხედვით, მეტყველების და ქცევითი დარღვევების საშიშროების ნიშნები 0-6 წლის ასაკში, ქცევითი დარღვევების (აუტისტური სპექტრის დარღვევების) საშიშროების ნიშნები, აუტიზმის მოდიფიცირებული განახლებული კითხვარი ადრეული ასაკის ბავშვებისთვის M-CHAT-R™, რომლებიც მნიშვნელოვან დახმარებას გაუწევენ ოჯახის ექიმებს განვითარების დარღვევების ადრეულ ეტაპზე გამოვლენაში.

ვფიქრობთ, განხილული პროტოკოლი წარმოადგენს უახლეს მეცნიერულ მტკიცებულებებზე დაფუძნებულ სახელმძღვანელო დოკუმენტს, რომლის დანერგვა პირველად ჯანდაცვაში მნიშვნელოვნად გააუმჯობესებს ადრეული ასაკის ბავშვთა განვითარების სკრინინგსა და მეთვალყურეობას და შეამცირებს დაგვიანებულ გამოვლენასთან დაკავშირებულ პრობლემებს.

ზემოხსენებულის გათვალისწინებით, რეკომენდაციას ვუწევთ პროტოკოლის დამტკიცებას წარმოდგენილი ფორმით.

პატივისცემით,

ირინე ქაროსანიძე

ა(ა)იპ “საქართველოს საოჯახო მედიცინის პროფესიონალოთა კავშირის” პრეზიდენტი

